

*pandam laudabiliter editis, adhuc gliscentem; validiore manu coercemus, gravissimumque scelus Apostolica distractionis gladio magis magisque insequamur, omnes & singulas dictorum Romanorum Pontificum Prædecessorum Nostrorum Constitutiones superius enuntiatas, quarum tenores, ac si præsentibus de verbo ad verbum inserta forent, pro sufficienter expressis haberi volumus. Apostolicâ Auctoritate confirmantes & innovantes, ad hoc, ut pœnarum gravitas & severitas majorem perditis hominibus ingerat peccandi metum, Nostro motu proprio, ac de Apostolica Auctoritatis plenitudine earundem præsentium Litterarum serie, statuimus atque decernimus, ut si quis in Duello sive publicè privatim indicto hominem occiderit, sive hic mortuus fuerit in loco conflictûs, sive extra illum ex vulnere in Duello accepto, hujusmodi homicida tamquam interficiens proximum suum animo præmeditato ac deliberato, ad formam Constitutionis felicitis recordationis Prædecessoris Nostri Benedicti Papa XIII. quæ incipit Ex quo Divina data vj. Idus Junii anno Domini MDCCXXV., ab Ecclesia immunitatis beneficio exclusus & repulsus omninò censeatur; ita ut à cujuscumque Sacri aut Religiosi loci asylo, ad quod confugerit, servatis tamen de jure servandis, extrahi, & Judicis competentis Curia pro merito puniendus, tradi possit & debeat; super quo Nos Episcopis, aliisque Superioribus Antistitibus, ad quos respectivè pertinet, & pertinebit in posterum, necessarias & opportunas facultates præsentium quoque tenore impertimur. Quia etiam, vivente adhuc altero in singulari certamine graviter vulnerato, si percussor in locum immunem se receperit, ex quo, eveniente illius morte, fugam arripere, & legum severitatem evadere posse prospiciatur; Volumus & respectivè per-*